

Armonauz in Val de Fascia

Ciantà ladin, intrà de nośoutre, nafrè da ride, nafré da pensà sora

El diretor del Istitut Majon de Fascegn Fabio Chiocchetti l'à invidà i nostre Armonauz a Moena, in Val de Fascia, par vendres ai 8 de marzo, da res 21, par fei un concerto par ra "Festa de ra femena".

Frency, Anto, Silvuz, Salvaz, Kuki e Gildo i ciantarà e sonarà canzos, voltades par anpezan, cemodo che se sà, da i Beatles a i Abba, da Alberto Camerini ai Beach Boys. In Anpezo chesto grupo 'l é conosciù da anes, da canche 'l é nasciù, co 'l gnon

Armonote, e 'pò 'l é mudà alcuanta parsones e anche el gnon.

Par chesta sera, in Fascia l'è stà ciamà pi core ladis, che i podarà dorà ogniun meśora de tenpo, par fei senti ra so muśica. Dapò se fajarà festa, dute aduna.

De seguro sarà 'na bela ocajon par i nostre Armonauz, da se fei conosce e par portà nafré de ra nostra parlada inze cher'outra val ladines. Stajaron a vede ce che i me contarà.

Elena Salvagni in Gaspari